

इवनिंग डोगरी न्यूज़ बुलेटिन

समे .1815

<><><><><><>

Headlines

गृह मंत्रालय दा आखना ऐ जे 2019 कोला लेइयै हुनै तगर जम्मू कश्मीर च आतंकी घटनाएं च 70 प्रतिशत कोला मती कमी आई ऐ।

जम्मू कश्मीर प्रशासन नै केन्द्र शासत प्रदेश च 3 ज्हार डेयरी फार्म खोलने दा लक्ष्य तैह कीता ऐ।

प्रधानमंत्री नरेन्द्र मोदी होर अत्तरू शनिवारें नाइजीरिया, ब्रजील ते गुआना दी 6एं दिनें दी यात्रा पर जा'रदू न।

किश्तवाड जिला प्रशासन कल्लै थमां उत्थूं दे एतिहासक चोगबान मैदान च इक बड्डे जनजातीय एत्सव दी मेजबानी करग।

<><><><><><>

Terror Incident JK

केन्द्री गृहमंत्रालय आस्सेआ संसदीय पैनल सामने पेश कीती गेदी रिपोर्ट मूजब नरेन्द्र मोदी हुंदे कार्यकाल च 2019 थमां जम्मू कश्मीर च आतंकवाद सरबंधी घटनाएं च 7. प्रतिशत शा बद्ध कमी आई ऐ। अधिकारिक सूत्रें दस्सेआ जे प्रस्तुतिकरण दिंदे होई केन्द्री गृह सचिव गोविंद मोहन होरें गृह मामले दी स्थायी संसदीय कमेटी गी दस्सेआ जे पिछले 5एं ब'रें च आतंकवाद कन्नै जुड़े दे मामले च कमी ओने दे बावजूद लश्करे तैयबा ते जैशे मोहम्मद जनेह आतंकी समूहें दा खतरा बरोबर बने दा ऐ। श्री मोहन हुंदी प्रसतुति इस करियै बी महत्वै आली ऐ की जे 5 अगस्त 2019 गी दफा 370 गी हटाई दित्ता गेआ हा। औकड़ें दिंदे होई गृह मंत्रालय दे अधिकारिएं आखेआ जे 2019 च आतंकवादी घटनाएं च 50 शा बद्ध नागरिक मारे गे हे। सूत्रें दस्सेआ जे इस ब'रे अजें तगर एह गिनतरी घटियै 14 रेई गेई ऐ। 2023 च 2024 दे मकाबले तकरीबन 3 गुणा घट्ट आतंकी घटनाएं च 5 नागरिक मारे गे हे। 2019 च नागरिकें पर 73 हमले होए ते इस ब'रे एह आंकड़ा घटियै 10 रेई गेआ ऐ।

<><><><><><>

Dairy Farm-JK

डेयरी क्षेत्र गी बढ़ावा देने लेई यूटी प्रशासन नै समूलचे केन्द्र शासत प्रदेश च 3000 डेयरी फार्म स्थापत करने दा लक्ष्य रखेआ ऐ। आकाशवाणी दे जम्मू संवाददाता नै दस्सेआ जे इनें नमें 3 ज्हार डेयरी फार्में दे खुल्लने कन्नै अगले 5 ब'रें च दुध दा उत्पादन मे भंडारन दौनें च बाद्धा होने दी मेद ऐ। यूटी प्रशासन नै डेयरी फार्मिंग गी

बढ़ावा देने दे मकसद नै पैहले थमां गै नेका स्कीमा रंभ कीती दियां न। दुध उत्पादन 25 लक्ख मीट्रिक टन शा बधियै 45 लक्ख मीट्रिक टन होने दा अंदाजा ऐ। जिल्ले के रोजाना दुध किट्ठा करने ते ठंडा करने दी क्षमता 2 लक्ख शा बधियै 8.5 लक्ख लीटर फही ध्याड़ा होने दी मेद ऐ। एह्दे इलावा इस स्कीमै च 1800 पशु सहायकें लेई प्रोत्साहन शामिल ऐ जेह्दे 6 लक्ख गाइये लाइसयै राशन दे संतुलन च मदाद करगंन ते 30 ज्हार डेयरी गउएं लेई दुधै दी रिकार्डिंग दे कम्म दी दिकख-रिक्ख करगंन। व्यापक योजना दे इक हिस्से दे तौरा पर मकामी अर्थबवस्था गी होर मता समर्थन देने आसतै ग्रामीण इलाकें च 60 ज्हार बैकयार्ड पोल्ट्री इकाइयां गी स्थापत कीतियां जांगन। ग्रामीण लोकें गी मवेशी खरीदने च मदाद दे अलावा, सरकारी स्कीमां डेयरी उत्पादने गी दुध चौने ते क्रीम गी बक्ख करने आलियां योजना मक्खन, घ्यो दही, पनीर ते लोया आइस क्रीम बनाने आलियां मशीना ते दुध एटीएम 50 प्रतिशत सब्सिडी पर प्रदान कीतियां जांगन।

<><><><><><>

Goa Film Festival

सूचना ते प्रसारण मंत्रालय राष्ट्री फिल्म विकास निगम एनएफडीसी ते गोवा दी मनोरंजन सोसायटी दे सैहयोग कन्नै 20 थमां 23 नवम्बर तगर गोवा च 55में भारतीय अंतर्राष्ट्रीय फिल्म महोत्सव दी मेजबानी करन जा'रदा ऐ। आकाशवाणी दे जम्मू संवाददाता नै दस्सेआ जे फिल्म महोत्सव प्गजी, गोवा च लग्गोग। इस ब'रे दे महोत्सव दा सिरलेख ऐ 'युवा फिल्म निर्माण भविष्य अभी है'। इस महोत्सव च 81 देसैं दियां 18. थमां बद्ध अंतर्राष्ट्रीय फिल्मां दस्सियां जांगन जिंदे च 15 विश्व प्रीमिया शामिल न। इस ब'रे युवा प्रोत्साहत करदे होई पुरस्कार दा नमीं वर्ग रंभ कीता गेआ ऐ जेह्दे च इक प्रमाण पत्र ते 15 लक्ख रुपे दा नकद पुरस्कार शामिल ऐ। भारतीय फिल्म निम्नण आशुतोष गोवारिकर अंतर्राष्ट्रीय जूरी दा अध्यक्ष दे तौरा पर कम्म करगंन।

<><><><><><>

NIA Terror

राष्ट्रीय जांच अजेंसी एनआईए नै लश्करे तैयबा शा निकले दे आतंकी संगठन टीआरएफ कन्नै जुड़े दे इक आरोपी दी सम्पत्ति कुर्क कीती ऐ। एह कारवाई इस ब'रे फरवरी म्हीने श्रीनगर च दऊं गैर मकामी लोकें दी निर्मम हत्या आले मामले च कीती गई ऐ। एह सम्पत्ति जालदगर श्रीनगर च यूएपीए कनून दी दफा 25 तैहत कीती गई ऐ। एह आरोपी एह्दे सेंट्रल जेल श्रीनगर च बंद ऐ।

<><><><><><>

Swachhta Pledge

सूचना ते प्रसारण मंत्रालय दे वरिष्ठ आर्थिक सलाहकार रविन्द्र कुमार जेना होरें अज्ज वीडियो कांफ्रेंसिंग रायं अधिकारिणं गी सामूहिक सफाई सुथराई दी सगंध दोआई। आकाशवाणी दी महानिदेशक डॉ. प्राा पालीवाल गौर,

अतिरिक्त महानिदेशक एल.मधु नाग ते होर दुए आला अफसरें नमीं दिल्ली स्थित आकाशवाणी भवन च स्वच्छता दी सगंध लैती।

<><><><><><>

PM-Homage

प्रधानमंत्री नरेन्द्र मोदी होरें अज्ज साबका प्रधानमंत्री पंडित जवाहरलाल नेहरू होरें गी उंदे जन्म दिन दे मौके पर चेता करदे होई उनेंगी सोशल मीडिया पर श्रद्धांजलि भेंट कीती ऐ। पंडित नेहरू हुंदा जन्म 14 नवम्बर 1889 गी प्रयागराज च होआ हा। 1947 च देश दे अजाद होने पर ओह मुल्खै दे पैहले प्रधानमंत्री बने हे।

<><><><><><>

PM Visit

प्रधानमंत्री नरेन्द्र मोदी होर अत्तरुं शनिवार थमां नाइजीरिया, ब्राजील ते गुआना दे 6एं दिने दे दौरे पर जा'रदे न। इस बारे जानकारी विदेश सचिव विक्रम मिसरी होरें कल नमीं दिल्ली च दित्ती। उनें दस्सेआ जे इस महीने दी 18 ते 19 तरीक गी ओह ब्राजील च 19में जी-20 शिखर सम्मेलन च हिस्सा लेंगन। उनें दस्सेआ जे 2014 ते 2019 दे बाद हुन मोदी हुंदा ब्राजील दा एह त्रीआ दौरा होग। शिखर सम्मेलन दरान प्रधानमंत्री होर केइं कुलसंसारी मुद्दे पर भारत दा पक्ख रक्खगन। जी-20 शिखर सम्मेलन दे बाहरे मोदी होर केईं लीडरें कन्नै दपक्खी बैठक बी लांगन। 16 ते 17 तरीक गी प्रधानमंत्री मोदी नाइजीरिया दे राष्ट्रपति बोला अहमद तिनुबू हुंदे साददे पर उत्थें महमान होंगन। तोआई 19 कोला 21 लवम्बर तोड़ी ओ गुआना दे दोरे पर होंगन। जित्थें उत्थूं दे राष्ट्रपति मोहम्मद इरफान अली होरें उनेंगी चेचे तौरा पर साददा दित्ते दा ऐ।

<><><><><><>

Dominica-PM Modi

डोमिनिका नै प्रधानमंत्री नरेन्द्र मोदी होरें गी अपने सब्बने शा बड्डे राष्ट्रीय सम्मान कन्नै अधिकृत करने दी घोषणा कीती ऐ। ग्याना च कैरिबियाई समुदाय ते सांसा गजार शिखर सम्मेलन च इस बारे घोषणा कीती गई ऐ। कोविड महामारी दे दरान डोमिनिका गी राहत उपलब्ध कराने ते दौनें मुल्खें दी सांझ-भ्याली गी निर्गगर बनाने च योगदान लेई प्रधानमंत्री मोदी होरें गी डोमिनिका अवार्ड ऑफ ऑनर कन्नै सम्मानित करने दा फैसला लैता गेआ ऐ।

<><><><><><>

Tribal Fest Kihstwar

किश्तवाड़ दा जिला प्रशासन कल ऐतिहासक चौगान मैदान च इक बड़्डे जनजातीय मेले दा सरिस्ता करा करदा ऐ। आकाशवाणी दे तम्मू संवाददाता नै दस्सेआ जे एह मेला सुतंत्रता सेनानी बिरसा मुंडा हुंदी जयंति दे उपलक्ष च जनजातीय गौरव दिवस दे तौरा पर मनाया जंदा ऐ। एह धरती आभा जनजातीय ग्राम उम्कर्ष अभियानद । इक हिस्सा ऐ जेहड़ा 15 नवम्बर शा लेइयै 26 नवम्बर तगर चलने आला सूचना, शिक्षा ते संचार दा इक राष्ट्रव्यापी अभियान ऐ जेहदा मकसद जनजातीय समुदायें गी समाजी, सियासी माली ते कनूनी हक-हकूकें बारे जागरूक बनाइयै उनेंगी बाइखित्यात बनाना ऐ। एह कार्यक्रम मकामी तौरा पर तैआर आदिवासी कलाकृतिएं, हस्तशिल्पें ते कृषि उत्पादें गी दस्सने आले स्टाल होंगन जेहड़े इलाके दे आदिवासी समुदायें दे रिवायती कौशलें दी नूठी झलक पेश करगन। किश्तवाड़ दे डीसी राजेश कुमार शवन होरें किश्तवाड़ ते आले दुआले दे लोकें गी खुल्ला साददा दित्ता ऐ।

<><><><><><>

IITF-Inauguration

उद्योग ते बपार मंत्री पीयूष गोयल होरें अज्ज नमीं दिल्ली दे भारत मंडपम च 43में भारत अंतराष्ट्रीय बपार मेले आईआईटीएफ दा उद्घाटन कीता। इस मेले च कोयला ते खान मंत्री जी.किशन रेड्डी होरें खान मंत्रालय दे पंडाल दा उद्घाटन कीता। आकाशवाणी समाचारे कन्नै गल्लबात करदे होई आईटीपीओ दे महाप्रबंधक शंकर नंद भारती होरें आखेआ जे इस बरे दे मेले दा विषय विकसित भारत एट 2024 पर आधारित ऐ। उनें आखेआ जे इस बरे झारखंड पर विशेष ध्यान केन्द्रत कीता जाग ते उत्तर प्रदेश ते बिहार ऐकती भ्याल राज्य दे तौरा पर एहदे नै जुड़े दे न। साढ़े संवाददाता नै खबर दित्ती ऐ जे 14 दिनें तोड़ी चलने आले इस कार्यक्रम च बक्ख-बक्ख देश हिससा लैंगन। इंदे च चीन, मिस्र, ईरान, दक्खन कोरिया, थाईलैंड, तुर्किए ते संयुक्त अरब अमिरात शामिल न। एह मेला अज्जै थमां 5एं दिनें तोड़ी बपारिएं लेई खुल्ला रौहग।

<><><><><><>

DC-Poonch

पुंछ दे जिला विकास कमीशनर विकास कुंडल होरें अज्ज इक उच्ची सतह दी बैठक लाइयै राष्ट्रीय जरनैली सड़क एलएच-144-ए पर जारी निर्माण कम्में दी समीक्षा कीती। मीटिंग च जानकारी दित्ती गई जे सड़क परियोजनाएं तौहत् 40 किलोमीटर लम्मा सड़कै दा हिस्सा अपने आपै च बड़ा महत्व रखना ऐ जेहड़ा जिले दे 40 ग्राएं तगर सखल्ला ते सुविधाजनक सड़क राबता जकीनी बनांदा ऐ। जरनैली सड़क एनएच-144 ?-ए जम्मू कश्मीर च बेहतर सड़क संपर्क कायम करियै इत्थूं दे समाजी आर्थिक विकास च तेजी आनने दे व्यापक लक्ष्य दा हिस्सा ऐ। पुंछ जिले गी एहदे नै बड़ा गै फायदा होग। डीसी होरें आखेआ जे एहदे नै जिले च आर्थिक गतिविधिएं गी बड़ा मता बढ़ावा थहोग।

<><><><><><>

JJM Poonch

पानी दी सप्लाई सरबन्धी मुद्दे दे हल ते ग्रामीण बुनियादी गी बधाने आस्तै इक ठोस कोश्ट तैह!त विधायक एजाज जान होरें पुंछ दे डीसी विकास कुंडल हुंदे कन्नै पुंछ दे डाक बंगले च जल जीवन मिशन दी समीक्षा बैठक दी सांझे तौरा पर प्रधानता कीती। बैठक च जिले भर दे घरें च सुरक्षत ते लोड़चदी मिकदार च पीने दा पानी उपलब्ध करोआने दे मकसद कन्नै जल जीवन मिशन दिएं बक्ख-बक्ख परियोजनां च हासल प्रगति दी समीक्षा करने पर टकोह्दा ध्यान दित्ता गेआ। साढ़े जिला संवाददाता अनुभव मिसरी हुंदे मताबक सत्र दरान चलै'रदिएं परियोजना दी मजूदा स्थिति पर व्यापक जानकारी दित्ती गई। विधायक एजाज जान होरें पुंछ च जेजेएम दी कामयाबी जकीनी बनाने लेई अपनी वचनबद्धता प्रगट कीती। डीसी श्री कुंडल होरें किट्ठै गी संबोधत करदे होई सरबन्धत मैह्कमे गी आखेआ जे ओ कम्मै दी रफ्तार च तेजी आनन टकोह्दा करियै उनें इलाके च जित्थें पानी दी कमी ऐ। एमएलए एजाज जान ते उपायुक्त विकास कुंडल होरें दौनें जल जीवन मिशन दे हर घर जल दे बिजन बक्खी अपनी वचनबद्धता दी तस्दीक कीती ते जनता गी भरोसा दोआया जे प्रशासन हर रुकावट गी दूर करियै उनेंगी पीने आला पानी उपलब्ध करोआग।

<><><><><><>

COP-29-GABV

अज़र बैजान दे बाकू च संयुक्त राष्ट्र जलवायु परिवर्तन सम्मेलन दे तैहत ग्लोबल एलायंस फॉर बैकिंग ऑन कैल्यूज नै घोशणा कीती ऐ ते एह्दे 25 मिंबर बैंक जीवाश्म ईंधन अप्रसार संधि दा समर्थन कीता ऐं एह् संधि कोयला, तेल ते गैस दिएं नमिएं परियोजनाएं दा विस्तार रोकने दी कुलसंसारी योजना दी पेशकश करदी ऐ। जीवाश्म ईंधन अप्रसार संधि दा समर्थन करियै इनें 5 बैंकें माली क्षेत्र थमां जलवायु परिवर्तन दे खलाफ आर्थिक कारवाई दा आग्राह कीता ऐ। 2009 ब'रे च इस कुलसंसारी गठबंधन दी स्थापना कीती गई ही। एह् 70 बैंकें दा नेटवर्क ऐ जेह्ड़ा दुनिया दे हर प्रमुख क्षेत्र च कम्म करदा ऐ। सामूहिक तौर पर एह् बैंक 17 अरब डॉलर दा प्रबंधन करदे न ते पूरी दुनिया च 1 करोड़ 1 लख कोला मते लोकें गी सेवा उपलब्ध करांदे न। जलवायु संकट दा मकाबला करने लेई अमीर मुल्खें थमां पैहा उपलब्ध कराने दी अपील दे चलदे कोई 2 सौ देशें दे प्रतिनिधि, बपार, जंगल दे प्रमुख, जलवायु वैज्ञानिक पत्रकार ते होर दुए माहिर ते हितधारक, 22 नवम्बर तोड़ी चलने आले इस सम्मेलन हिस्सा होंगन।

<><><><><><>